

ZAAN 'LETRE LWA 'LA YONDIA- Zaan a 'letre lwa mi 'e ngblo

Mee mu 'e -wa pia doo Zaan 'la 'yaa- 'ke Zesu a winbowo mi 'le 'bhe -ja yaale Efezi -wa 'e ta. 'Bhee- 'duj-, Polu -le 'a noo Zesu -za 'e zibwa- -Ayile, Zaan 'bhole- Efezi, 'kee- kleele- -a noo- Zesu 'yi mu -le mu 'e waa zilee- mi 'le. 'Bhela- -zayile, -e 'bhe noo Zesu 'yi mu 'e sii doo «'N' 'ne mu». Zaan 'letre yaga -la dia. -A lwa mi 'e, yaa 'bhe 'kpale- mee 'kedo- 'kpo ni, 'bhe 'pegee yaa 'bhe 'kpale- Zesu 'yi mu -le 'kedo- 'kpo ni; 'duj- -e 'bhe dia Zesu 'yi mu -le mu 'kpen -la ni.

-E -jan gaan -gbene ple 'la woa 'bhe 'letre 'e 'yi 'mu -le -ge: (1 Zaan 1) Zaan 'a pia Zesu 'yi mu 'e ni doo -o do zi -ledoole 'e 'bhee- zi. 'Bhe 'yi -le doo -woo kpa Meezan Zesu 'yi, 'bhee- -o -za so 'eke- ni.

-E -jan gaan ple mi 'la woa 'bhe -le doo -woo -yrekpa' -o 'gbu ba bhla ma mee daan mu 'e ma (1 Zaan 2.18-29; 4.1-6).

Zesu a -Jan 'e bole -yre ma -si na mee ni

¹ 'Kee- san 'drunyan zisan' bhla 'e ma, -Jan 'Nrале- 'la bole -yre ma -si na mee ni 'bhe 'yaa- ye. 'Bhee- 'duj- 'o 'bhe -Jan 'e maa, 'bhe 'pegee- 'wa ya 'o 'yrebhe- mu 'le, 'woo 'yrekpa -a ta kplankplan, 'bhee- 'o kwan -a ma 'o gbе mu 'le.

² Mεε 'la zan -yaa bole -yρε ma -si na mεε ni 'bhe 'pwela- -a -yi. 'Yeλε- -yaa bole -yρε ma -si 'la -danj' 'laa -o 'bhe ma 'bhe -le, 'bheε- 'yeλε- -yaa 'o Dε -din 'waati 'ε 'kpen ba, 'bheε- -e 'pwela -a -yi 'o ni. 'Bhela- -zayile 'woo- -a 'sreya- kle 'zi 'ka ni.

³ 'O mωω pe 'la □ya, 'bheε- 'ke 'wa □maa, 'o mωω 'bhe -la 'wo 'zi 'ka ni 'ezin-; 'kooko- 'o 'pegee 'ka mu kle 'kpaledomaya 'yi. 'Bheε- -kωω' 'pegee -kωω' Dε, 'bheε- -a Gbe Zesu Krisi kle 'kpaledomaya 'yi.

⁴ 'Bhe 'yi, 'o 'bhe -za mu 'ε 'sewede 'zi 'ka ni, 'kooko- -kωωa' zrukpaaleya 'ε -λεpa'.

'Taawole 'tebhile ba', 'bheε- 'ploole- -za 'yωω- klele ma

⁵ 'O -jan 'la □maa Zesu Krisi 'lii, 'bheε- 'ke 'woo- 'bhe 'wo zii' 'ka ni, 'bhe -le -γε: -Waanbhaa' -o 'ke 'tebhile 'le, 'bheε- -gblo do 'kpo 'laa -o -a -yi.

⁶ 'Ke -kωω' 'a □pia dωω -kωω' 'pegee 'yee- -Waanbhaa' -o 'kpaledomaya 'yi, 'bheε- 'ke -kωω' -gblo 'yi za mu kle 'zi, 'bhe bhla 'ε ba -kωω' -o 'ke bhlanii- mu 'le, 'bheε- -kωω' 'laa -o 'taawo zii' wlan ta.

⁷ 'Duη-, 'ke -kωω' 'taawo zii' 'tebhile ba 'bhii- 'yee- -Waanbhaa' 'gbu -o 'ke 'tebhile 'le gone- 'la gbεen-, -kωω' 'kpen -o 'kpaledomaya 'yi -kωω' 'pegee -kωω' 'yωωn mu 'ε 'le; 'bheε- 'bhe klegbeya 'ε 'yi, -a Gbe Zesu yien 'ε 'bhe -kωωa' -za 'yωω- mu 'ε 'kpen go, 'bheε- 'bhe -kωω' kle 'wenj.

⁸ 'Ke -kωω' 'a □pia dωω -za 'yωω- laa -o -kωω' 'yi, -kωω' -o -kωω' 'gbu 'yini zii' 'bheε- gbεen- bhe, 'bheε- wlan 'laa -o -kωω' 'yi.

⁹ 'Ke -kωω' -kωωa' -za 'yωω- mu 'ε -dwa -Waanbhaa' -yρε □la, 'bheε- 'ke -kωω' -o □pia -a ni kpataakpa, -e nu -kωωa' -za 'yωω- mu 'ε ma

-sroma 'yanle-, 'bhe 'pegee -e nu -koo' kleza 'yoo-
mu 'ε 'kpen gole -koo' 'yi, 'bheε- -e -koo' kle 'wenj.
-Amasroyi, -Waanbhaa' -liijan' -o do, 'bheε- -a
-ledoole -o.

¹⁰ 'Dun-, 'ke -koo' 'a □pia doo -koo' 'laa -za 'yoo-
klele, 'bhe 'yi, -koo' -Waanbhaa' kle 'ke bhlanii-
'le; 'bheε- yaa -jan 'ε 'kela □woa -koo' 'laa dole
'bhe □la.

2

-Waanbhaa' a -jan -klosikunza

¹ 'N 'ne mu, 'η 'yoo- -jan mu 'leε- 'sewede 'zi 'ka
ni, 'koko- 'ka 'laa -za 'yoo- kle. 'Dun-, 'ke mee
'la zan -za 'yoo- □kla, -kooa' mee do -o -koo' De
-Waanbhaa' -din 'bhe -le -koo' tagwledan mi 'le,
'bhe -le 'ke Zesu Krisi 'le, mee -ledoole -le 'kele-.

² 'Yele- 'a 'gbu □kla -koo' ma 'sraka 'le -kooa'
-za 'yoo- mu 'ε -zayi', 'koko- -Waanbhaa' -kooa'
-za 'yoo- mu 'ε ma -sroma yan. 'Dun- yaa klele
'sraka 'le -koo' mu do -kplen 'kpo a -za 'yoo- mu
-sroma 'yan zayi', -e □kla 'sraka 'le 'drunyan 'yi
mu 'ε 'kpen a -za 'yoo- mu ma -sroma 'yanza- -la
-le.

³ 'Ke -koo' -Waanbhaa' a -jan mu 'ε 'klosikun,
-koo' 'a 'yaango- bheε- ma 'bhii- -koo' 'a do.

⁴ 'Ke mee 'la zan 'a □pia doo: «'Mi 'a do», 'Bheε-
'ke 'bhe zan laa -yaa' -jan mu 'ε 'klosikun, 'bhe
zan -o 'ke bhlanii- 'le, 'bheε- wlan laa -o 'bhe zan
'ε 'yi.

⁵ 'Dun-, 'ke mee 'la zan -yaa' -jan 'ε 'klosikun,
'bhe zan 'a zron 'bhe ma kpataakpa 'bhii-
-Waanbhaa' 'soniya 'ε 'lepale -o 'bhe zru 'ε 'yi.

-Koo' 'a 'yaango- 'kela ma 'bhii- -koo' mu 'pegee
-Waanbhaa' -o 'kpaledomaya 'yi, 'bhe -le -ge:

6 'Ke mee 'la zan 'a □pia doo -o 'pegee
-Waanbhaa' -o 'kpaledomaya 'yi, 'bhe zan 'taa-
wogbeya 'e kle 'bhii- Zesu 'taawoa□ gone- 'la
gben-

'Eke- ba 'soniya ta 'ton dree

7 'N 'yienii mu, 'naa -o 'ton dree 'kpa zii' 'ka ni.
'N 'ton gwe 'la □pia 'ka ni 'elwale gban -so 'bhe-
'ke 'ka -dwa 'bhe -la bhe 'yee- -Jan 'Nrale- 'lee-
'wole- zisan' bhla 'e zi, 'bhe -le 'kela-. 'Yee- 'ton
gwe 'e 'yele- 'ke 'ka -jan 'la □maa 'bhe 'le.

8 'Bhe- 'duh-, 'n so -a pele- doo 'n 'yoo- 'ton dree
-la 'sewede 'zi 'ka ni 'ezin-; -wa dreeya 'e ye Zesu
'yi, 'bhe- -wa ye 'ka mu 'yi 'ezin-. -Amasroyi,
-gblo mu 'e -woo 'kan zii', 'bhe- 'tebhile -zeze
'gbu 'e 'bhe 'bhile- -saan gban.

9 'Ke mee 'la zan 'a □pia doo 'bhe -o 'taawo zii'
'tebhile 'e ba, 'bhe- 'ke -a neene- -za 'laa so -a ni,
'bhe zan 'e 'bhe -o -li -gblo -gbene -la -yi.

10 'Ke mee 'la zan neene- -za so -a ni, 'bhe zan
'e 'bhe -o 'tebhile 'e ba. 'Bhe 'yi, -za 'yoo- do 'kpo
'laa -o -a -yi 'ke 'bhe so klele- 'ke mee -bheke'
baa- pe 'le -za 'yoo- 'yi.

11 'Duh-, 'ke mee 'la zan neene- vensi -a yin 'lii,
'bhe zan 'e 'bhe -o -gblo 'yi. -Yoo 'taawo zii' -gblo
'yi; 'bhe- yaa -a geyre do, -amasroyi -gblo -kpa
-a -yre ta.

'Drunyan ta pe mu -za 'laa 'sole- 'ka ni

12 'N 'ne mu, 'n 'yoo- -jan 'lee- 'bhe- 'sewede 'zi
'ka ni, -amasroyi -Waanbhaa' 'kaa- -za 'yoo-
mu 'e ma -sroma -yaan Krisi 'to 'e -zayi'.

13 -Nε de mu, 'η 'yoo- -jan 'lεε- 'bhεε- 'sεwεδε 'zi
'ka ni, -amasrɔyi Krisi 'la -ya -yrε ma 'kee-
san 'drunyan zisan' bhla 'ε ma, 'ka 'bhε dɔ.

-Zwan mu 'pegee -gbla mu, 'η 'yoo- -jan 'lεε-
'bhεε- 'sεwεδε 'zi 'ka ni, -amasrɔyi 'ka
'sengwa- 'ke -Setran' 'le.

'Ŋ 'nε mu, 'η -jan 'lεε- 'bhεε- 'sεwεδε 'zi 'ka ni,
-amasrɔyi 'ka -kɔɔ' Dε -Waanbhaa' -dwa.

14 -Nε de mu, 'η -jan 'lεε- 'bhεε- 'sεwεδε 'zi 'ka ni,
-amasrɔyi mεε 'la zan -o -a -yrε ma 'kee-
san 'drunyan zisan' bhla 'ε ma, 'ka 'bhε zan
'ε dɔ.

-Zwan mu 'pegee -gbla mu, 'η -jan 'lεε- 'bhεε-
'sεwεδε 'zi 'ka ni, -amasrɔyi 'ka -o 'egloole
'bhεε- -Waanbhaa' a -jan 'ε -yoo 'ka 'kpee,
'bhεε- 'ka 'sengwa- 'ke -Setran' 'le.

15 'Drunyan -za 'laa 'solε- 'ka ni, 'bhεε- -a
-yi pε 'kedo- 'kpɔ -za 'laa 'solε- 'ka ni 'ezin-
'Ke 'drunyan -za sɔ mεε 'la zan ni, -kɔɔ' Dε
-Waanbhaa' a 'soniya 'ε yaa -o 'bhε zan zru 'ε 'yi.

16 -Amasrɔyi, -za 'yɔɔ- klε -lɔ 'la dɔ mεε 'flε 'ε
ma oo, mεε -yrε 'bhɔpε- mu oo, 'bhε 'pegee 'ke
mεε 'ε 'gbu magbaandε -a 'kɔɔpε- -zayi', 'bhε -za
mu 'la bhe, 'mu 'kpen -o 'ke 'drunyan 'yi pε mu
'le. -O do 'kpɔ 'laa da -kɔɔ' Dε -Waanbhaa' ba,
'duŋ- -o da 'drunyan -la -yi.

17 'Drunyan -o 'ke 'kanpε- 'le, 'bhε 'pegee -a -yi
mεε -yrε 'bhɔpε- mu 'ε 'kpen. 'Duŋ- 'ke mεε 'la
zan -Waanbhaa' zru maza klε, 'bhε zan bo 'bhε
'yrε ma, 'bhεε- -daŋ' 'laa klε -yaa' bole -yrε ma -si
'ε ma.

Krisi 'Sɔnnii

18 'N 'nε mu, 'drunyan 'yan bhla 'ε □bhwa -wa -din! 'Kaa □maa dɔɔ Krisi 'Sɔɔnnii 'ε -yoo zan nule; 'bhεε- 'duŋ-, Krisi 'sɔɔnnii -bebe mu -nwa gban -zɔn, 'wa 'yaango- 'bhεε- ma 'bhii- 'drunyan 'yan yi 'ε □bhwa -wa -din.

19 'Woo- Krisi 'sɔɔnnii mu 'la bhe, -o -daa -kɔɔ' 'plɛŋ, 'duŋ- waa -yaa -kɔɔ' a pε mεε -zeze mu 'gbu 'le. -Amasroyi, 'ke -o 'kpa bi -kɔɔ' a pε mεε mu 'le, -o -yaa nu bole -kɔɔ' ba. -O golawoa -kɔɔ' ba, -wa ye 'bhεε- ma kpataakpa 'bhii- -o do 'kpɔ 'laa -yaa -kɔɔ' 'a pε mεε mu 'le.

20 'Bhεε- 'duŋ-, 'ka mu laa -o 'bhii- 'woo- mu gbεεn-. 'Ka mu Lii 'Wɛŋ 'ε 'srɔɔwoa- Krisi 'la -yoo 'wɛŋ 'bhe 'kɔɔ. 'Bhεε- -zayaangoleya -o 'ka 'kpen 'kɔɔ.

21 'N 'lɛtrɛ 'lɛε- □kpa 'ka ni, yaa klele 'ka ni 'bhii- 'ka 'laa wlan 'ε dɔ; 'duŋ- 'ka wlan 'ε dɔ, 'bhεε- 'kaa 'yaango- 'bhii- bhla do 'kpɔ 'laa da wlan 'ε ba.

22 'Bhε 'yi, 'ke mεε 'la zan 'a □pia dɔɔ Zesu 'laa -o 'ke Mεε -Bhee mi -kpɔsɔɔ Krisi 'le, bhlanii-kaan 'bhe zan 'ε ta εε? 'Bhε zan -le 'ke bhlanii- 'ε 'le, 'bhεε- 'bhe -le 'ke Krisi -Sɔɔnnii' 'ε 'le. -Amasroyi, -ya -bangwa -Nε Dε 'ε 'pegee -a Gbe 'ε 'yi.

23 Wlan 'ε ni, 'ke mεε 'la zan 'e -bangwa -Nε 'ε 'yi, 'bhe zan 'ε 'bhe 'e -bangwa -a Dε 'yi 'ezin- 'bhεε- gbεεn- bhe. 'Bhεε- 'ke mεε 'la zan -Nε 'ε dɔ, -a Dε -o 'ezin- 'bhe zan 'ε ba.

24 'Bhɛla- -yile, 'ka -jan 'la □maa 'kee- san -Jan 'Nrɛle- 'ε 'wole zisan bhla 'ε ma, 'bhe -jan 'ε bo 'ka 'kpee. 'Ka -jan 'la □maa 'kee- san -Jan 'Nrɛle- 'ε 'wole- zisan' bhla 'ε ma, 'ke 'bhe □bwa 'ka 'kpee,

'ka mu 'pegee -Nε 'bhεε- -a Dε 'ka 'kpale- bo do ma.

²⁵ 'Bhεε- Krixi 'a 'liiwli- -naa -za 'la 'naza- ta -koo' ni 'bhe -le 'ke -Waanbhaa' ba bole -yre ma -si 'la -dan' 'laa -o 'bhe ma 'bhεε- 'le.

²⁶ Mεε 'la zan mu -o 'ka 'niyre- -glin 'zi, 'η 'yoo- 'sεwεδε 'zi 'ka ni 'wola- ba zayi'; 'kooko- 'ka 'ka 'yreka 'ka 'gbu ba 'elrele -o ma.

²⁷ 'Ka mu 'gbu, Krixi Lii 'Wεη 'ε □naa 'ka ni. -A Lii 'Wεη 'ε bole -o 'ka 'yi bhe, 'bhεla- -yile 'ka maza laa -o mεε -bhεεke' do ma 'ke 'bhe 'ka daan. Wlan 'gbu 'ε ni, Lii 'Wεη 'ε -yoo 'ka daanlawo zii' -za 'kpen 'la 'le bhe 'mu 'kpen -o 'ke wlan 'le, 'bhεε- bhla laa -o 'mu ba. 'Bhεla- -yile, -e 'ka daan 'zi -za mu 'la 'le bhe, -kaa -o -klosikun, 'bhεε- 'ka 'pegee Krixi 'kpale- bo do ma.

²⁸ 'Bhe 'yi -zɔn, 'η 'nε mu, 'ka mu 'pegee Krixi 'kpale- bo do ma; 'kooko- 'kee- -pwεla -a -yi yi 'la 'le, -e bhɔ -koo' ta 'ke -koo' 'kpale- -o -a -yi. 'Bhεε- -yrala' laa do -koo' ma -a nu 'yi 'ε 'le, 'ke -koo' 'plengole kle -a ma.

²⁹ 'Ke 'kaa 'yaango- 'bhii- Krixi 'ledɔole -o, -kaa 'yaango- 'ezin- 'bhii- 'ke mεε 'oo mεε 'la zan 'taawogbeya -ledɔole -o 'bhe zan -o 'ke -Waanbhaa' -nε 'le.

3

-Waanbhaa' a -nε mu 'taawogbeya

¹ 'N nεεnε- mu, -koo' -za □swa -koo' Dε -Waanbhaa' ni gɔnε- 'la gbεεn-, -ka 'bhe -glin doo! -Koo' -za 'la □swa -a ni bhe, 'bhεla- -yile -e -koo' 'siila- -a -nε mu. Wlan -le 'bhe 'le 'bhεε- -koo' -o

'bhεε- 'gbu 'le. -Ayile 'drunyan 'yi mu 'ε waa -koo' do; -amasroyi waa -koo' De -Waanbhaa' dole.

² 'N 'yienii mu, -koo' -o -zon -Waanbhaa' a -ne mu 'le. -Koo' ma nu boole 'bhεε- -koo' nu kleε 'kela 'bhe 'le, waa 'bhe zronle -li -koo' ni. 'O moo 'gbu 'a 'yaango- 'bhii- 'ke Kriisi -nwa yi 'la 'le, -koo' nu kleε 'bhii- 'yee- 'gbu -o gone- 'la gbεen- 'bhεε- gbεen-. -Koo' nu 'pwele- 'kele-, -amasroyi -koo' nu -a yeε -a bogbeya 'ε 'yi.

³ 'Ke mεε 'oo mεε 'la zan yrikpale -o Kriisi ta 'bhe gbεen- bhe, 'bhe zan 'ε 'bhe 'bhe 'gbu 'kpee 'ε 'flee- 'bhii- 'yee- Kriisi 'gbu 'kpee 'fleele- -o gone- 'la gbεen-.

⁴ 'Ke mεε 'oo mεε 'la zan -za 'yoo- kle, 'bhe zan -Waanbhaa' a *'Ton 'ε 'yisie. 'Bhεε- -za 'yoo- klele 'ε 'bhe -le 'ke -Waanbhaa' a 'Ton 'yisiele 'ε 'le.

⁵ 'Bhεε- 'kaa 'yaango- 'bhii- Zesu Kriisi -nwa 'tre ta, 'kooko- -e mεε mu ma -za 'yoo- mu 'ε go. -Za 'yoo- do 'kpo 'laa -o 'yee- -yi.

⁶ 'Bhe 'yi, 'ke mεε 'oo mεε 'la zan 'pegee 'yee- -o 'kpaledomaya 'yi, 'bhe zan laa -za 'yoo- kle. 'Bhεε- 'ke mεε 'oo mεε 'la zan -za 'yoo- kle, 'bhe zan laa Zesu yeε -lido', 'bhεε- yaa -a dole -lido' 'ezin-.

⁷ 'N 'ne mu, 'ka 'laa 'tolε- 'ke mεε 'kedo- 'kpo 'ka 'yini-. 'Ke mεε 'la zan -ledoole maza kle, 'bhe zan 'gbu 'ledoole -o 'ezin-, 'bhii- 'yee- Zesu Kriisi 'gbu 'ledoole -o gone 'la gbεen-.

⁸ 'Ke mεε 'oo mεε 'la zan -za 'yoo- kle, 'bhe zan -o 'ke -Setran' a pe 'le. -Amasroyi -a 'san 'drunyan zisan' bhla 'ε ma, -Setran' -le -za 'yoo- kle. 'Bhεε- -Waanbhaa' Gbe 'ε □nwa 'tre ta, 'kooko- -e -Setran' kleza mu 'ε 'sie-.

⁹ 'Ke mεε 'oo mεε 'la zan -o 'ke -Waanbhaa' -nε 'le, 'bhe zan laa bo -za 'yoo- klele ma, -amasroyi -Waanbhaa' zru -o 'bhe zan 'ε 'yi. 'Bheε- yaa so -za 'yoo- klele-, -amasroyi -Waanbhaa' 'a □kla 'bhe 'nε 'le.

¹⁰ -Za 'la 'bhe 'a kle 'bheε- -Waanbhaa' -nε mu 'ε gole -o -Setran' a pe -nε mu 'ε ma 'bhe -le -ge: 'ke mεε 'oo mεε 'la zan laa -ledooleya maza kle, 'bhe zan laa -o 'ke -Waanbhaa' a pe 'le. 'Bhe klegbeya do 'ε 'yi, 'ke mεε 'la zan nεεnε- -za 'laa so -a ni, 'bhe zan laa -o 'ke -Waanbhaa' a pe 'le 'ezin-.

-Koo' -za 'so 'eke- ni

¹¹ 'Ka -jan 'la □maa 'kee san 'ka 'kpaleya 'ε zisan' bhla 'ε ma 'bhe -le -ge doo: -koo' -za 'so 'eke- ni.

¹² -Koo' 'laa klele 'bhii- Kaen gbεen-. -E -yaa 'ke -Setran' 'nε 'le 'bhela- -yile -ya 'nwagwlen- Abeli □dia. 'Bheε- -e 'bhe □dia -mela ma εε? -E 'bhe □dia, -amasroyi -yaa' pe kleza mu 'ε 'yaa- 'eyoole, 'bheε- -a 'nwagwlen- a pe kleza mu 'ε 'ledoole -yaa.

¹³ 'N 'nεεnε- mu, 'ke 'ka vensi 'drunyan 'yi mεε mu 'ε yin 'lii, 'bhe 'laa 'ka 'kpeelenile 'ka ma.

¹⁴ -Koo' 'a 'yaango- 'bhii- -koo' -gwa ga 'yi, 'bheε- -koo' □nwa wlale bole -yre ma -si dreε 'yi, -amasroyi -koo' nεεnε- mu -za so -koo' ni. 'Bheε- 'ke mεε 'la zan nεεnε- -za 'laa so -a ni, 'bhe zan 'ε bole -o ga 'yi.

¹⁵ 'Bhe ya 'ε 'yi, 'ke mεε 'tole- mεε 'bhe nεεnε- vensi -a yin -lii, 'bhe zan -o 'ke mεε de mi 'le. 'Bheε- 'kaa 'yaango- 'bhii- bole -yre ma -si 'la 'ke -dan' 'laa -o 'bhe ma, 'bhe 'laa -o mεε de mi 'kedo- 'kpo 'yi.

16 Pε 'la 'bhe 'a kle 'bheε- -koo' 'soniya 'ε dō, 'bhe -le 'ke Zesu Krisi 'a 'gbu -si 'ε □kla 'ke 'sraka 'le, 'bheε- -e -gaa -koo' ni. 'Bhe klegbeya do 'ε 'yi, -koo' mu 'ezin-, -koo' -koo' 'gbu -si 'ε 'na -koo' nεεε- mu 'ε -zayi'.

17 'Bheε- -ka 'ka 'trōnbado doo! 'Ke 'drunyan ta pε mu -o mεε 'la zan 'koo, 'ke -ya nεεε- 'ε □ya 'ke 'bhe mazadwa pε 'ke ma -a 'koo, 'bheε- 'ke 'bhe 'yren 'laa 'klale- a ma; -e sō a pele- 'bhe bhla 'ε ba 'kaa -Waanbhaa' a 'soniya -o -a zru 'ε 'yi εε?

18 'N 'nε mu, -kooa' 'sole- 'ke ni 'ε 'bhe 'laa bole -koo' 'liijan- 'te ta. 'Ke -koo' -za sō 'eke- ni, -koo' 'bhe 'yizakle kpataakpa.

19 'Bhe klegbeya 'ε 'yi, -koo' 'a 'yaango- dōo -koo' -o 'taawo zii' wlan ma zi ta. 'Bhe klegbeya do 'kpō 'ε 'yi 'ezin- -koo' zru ba nu klele 'edōole -Waanbhaa' -yε □la.

20 'Bheε- 'ke -koo' -o -la zru 'zi -koo' 'gbu ta -koo' zru -yi -za 'yoo- 'ke 'yi, Waanbhaa' gbilaan -yiya' -koo' 'gbu zru 'ε ni, 'bheε- -e -za 'kpensee dō.

21 'N 'yienii mu, 'ke -koo' zru laa -o -la 'zi -koo' 'gbu ta -za 'yoo- 'ke 'yi, -koo' zrubazinale -o -Waanbhaa' -yε □la.

22 'Bheε- 'ke -koo' pε 'oo pε 'la 'yrewoa- -a ma, -koo' 'bhe 'srōowo- -a 'koo. -Amasroyi, -koo' -yaa' 'tonj mu 'ε 'klosikun, 'bheε- -za 'la sō -a zru 'ε ni -koo' 'bheε- kle.

23 'Bheε- -Waanbhaa' 'tonj 'lεε- 'bheε- □naa -koo ni, 'bhe -le -gε: -ya zi 'bhii- -koo' -koo' 'kpa -a Gbe Zesu Krisi 'tō 'ε 'yi. 'Bheε- -ya zi 'ezin- 'bhii- Krisi 'a □pia -koo' ni dōo -koo' -za 'sō 'eke- ni gōne- 'la gbεεn-, -koo' 'bheε- kle.

24 'Ke mεε 'la zan -Waanbhaa' 'tonj mu 'ε

'klosikun, 'bhe zan bo -Waanbhaa' 'yi, 'bheε-
-Waanbhaa' bo 'bhe zan 'ε -yi. -Waanbhaa' Lii
'Wen 'la □naa -koo' ni, -koo' 'a 'yaango- 'bheε- ma
'bhii- 'yee- -Waanbhaa' bole -o -koo' 'yi.

4

-Waanbhaa' Lii 'Wen 'ε gole -o -Setran' lii 'ε ma

¹ 'N 'yienii mu, mee 'la zan mu -a pe 'zi 'kaa *Lii
'Wen -o -yi, 'ka 'laa 'ka 'kpale- -o 'kpen 'yi. -Ka -o
-yreglin 'pe, 'kooko- 'kaa 'yaango- 'ke lii 'la -yoo -o
-yi 'bhe da -Waanbhaa' ba. -Amasroyi, bhla ma
-Waanbhaa' *-lela' janwo mu -bebe □zian gban
'saanige 'drunyan 'ε 'yi.

² 'Ka so -a 'yaangole pe 'la ma 'bhii- -Waanbhaa'
Lii 'Wen 'ε 'bhe -le -o -yi, 'bhe -le -ge: 'ke mee 'oo
mee 'la zan 'a □pia doo Zesu Krisi -nwa 'drunyan
'ε 'yi 'bheε- -e □kla 'ke bhaaplen do 'le kpataakpa,
lii 'la -yoo 'bhe zan 'ε 'yi bhe da -Waanbhaa' -la
ba.

³ 'Bheε- 'ke mee 'la zan laa Zesu Krisi dole 'bhe
dogbeyi 'ε gbēen- bhe, lii 'la -yoo 'bhe zan 'ε -yi,
'bhe 'laa da -Waanbhaa' ba. 'Duŋ- 'bhe zan 'ε
'yi lii 'ε da Krisi 'Soonnii 'ε 'bheε- ba. 'Ka 'yela-
nuza □maa, 'bheε- -e -nwa gban 'drunyan 'ε 'yi
'saanige.

⁴ 'Ka mu 'η 'ne mu, 'ka -o 'ke -Waanbhaa' a
mee mu 'le, 'bheε- 'ka 'senywa- 'ke bhla ma
-Waanbhaa' -lela' janwo mu 'ε 'le. -Amasroyi, Lii
'Wen 'la -yoo 'ka 'yi bhe 'bhe -glōo 'yiya- lii 'la
-yoo 'drunyan 'yi 'bhe ni.

⁵ 'Woo- bhla ma -Waanbhaa' -lela' janwo mu 'ε,
-woo 'ke 'drunyan 'leε- 'bhe -laa pe mee mu 'le,
'bhela- -yile -o -janwo' 'drunyan 'yi mu a -janwo'

gbeya gbεεn-, 'bhεε- 'drunyan 'yi mu 'ε 'mu 'e 'trɔnkpa -o ni.

⁶ 'Bhεε- 'duŋ-, 'o mu -o 'ke -Waanbhaa' a mεε mu -la -le. 'Ke mεε 'la zan -Waanbhaa' dɔ, 'bhε zan 'e 'trɔnkpa- 'o 'wojan- 'ε □la. 'Bhεε- mεε 'la zan laa -o 'ke -Waanbhaa' a pε mεε 'le, 'bhε zan laa 'e 'trɔnkpa- 'o 'wojan- 'ε □la. -Kɔɔ' 'a 'yaango- 'bhεε- ma 'bhii- wlan ma Lii 'Wεŋ 'ε gole -o mεε -yini' lii 'ε ma.

-Waanbhaa' -o 'ke 'sɔniya 'le

⁷ 'N 'yienii mu, -kɔɔ' -za 'sɔ 'eke- ni; -amasrɔyi, 'sɔniya da -Waanbhaa' -la ba. 'Bhε 'yi, 'ke mεε 'la zan nεεnε- mu -za sɔ a ni, -Waanbhaa' 'bhε zan -kla 'ke -a -nε 'le 'bhεε- 'bhε zan -Waanbhaa' dɔ.

⁸ 'Ke mεε 'la zan nεεnε- mu -za 'laa sɔ -a ni, 'bhε zan laa -Waanbhaa' dɔ; -amasrɔyi, -Waanbhaa' -o 'ke 'sɔniya 'le.

⁹ -Waanbhaa' -yaa' 'sɔniya 'ε -zrɔnna -kɔɔ' ni gɔnε- 'lεε- 'bhεε- gbεεn-: -Ya Gbe -nε bhε do 'kpɔ 'ε 'winbwa- 'drunyan 'yi, 'kooko- -kɔɔ' bo 'kɔɔ- yre ma 'bhε 'srɔyi.

¹⁰ 'Bhεε- -Waanbhaa' a 'sɔniya 'ε yaa klεlε 'bhii- 'yee- -Waanbhaa' -za -swa -kɔɔ' mu -la ni 'pε. 'Duŋ- -kɔɔ' mu -la -za -swa 'yee- ni, 'bhεε- -ya Gbe 'ε 'winbwa-, 'bhεε- 'bhε □kla -kɔɔ' mu ma 'sraka 'le. 'Bhεla- -zayile -Waanbhaa' -kɔɔa' -za 'yɔɔ- mu 'ε ma -sroma -yaan.

¹¹ 'N 'yienii mu, 'ke -kɔɔ' mu -za -swa -Waanbhaa' ni 'egbenεle 'bhε gbεεn- bhe, -kɔɔ' mu -za 'sɔ 'eke- ni 'bhε klεgbeya 'ε do 'kpɔ 'ε 'yi 'ezin-.

¹² Mεε 'kedo- 'kpɔ 'laa -Waanbhaa' yeε -lido'; 'duŋ- 'ke -kɔɔ' -za sɔ 'eke- ni, -Waanbhaa' bo

-koo' 'yi, 'bheε- -yaa' 'soniya 'la -yoo -koo' 'yi, 'bhe
'lepa-.

¹³ -Koo' 'a 'yaango- 'kela ma 'bhii- -koo' -o
-Waanbhaa' 'yi, 'bheε- 'yee- -o -koo' mu 'yi, 'bhe
-le -ge: -Ya Lii 'Weŋ 'ε □naa -koo' ni.

¹⁴ -Koo' De -Waanbhaa' 'ε -ya Gbe 'ε 'winbwa-
'drunyan 'yi, 'kooko- -e kle bhaapleŋ mu -Bhee
Mi 'le. 'O moo 'gbu 'bhe □ya 'bheε- 'wa 'sreya- kle
'zi.

¹⁵ 'Ke mee 'oo mee 'la zan 'a □pia doo Zesu -o
'ke -Waanbhaa' Gbe 'le, -Waanbhaa' bo 'bhe zan
'ε 'yi, 'bheε- 'bhe zan bo -Waanbhaa' -yi.

¹⁶ 'Bheε- -koo' 'solawo -Waanbhaa' ni 'o moo
'gbu 'bhe 'yaango-, 'bheε- 'o 'kpale- -o 'bhe 'yi.
-Waanbhaa' a pe -le 'soniya 'le; 'ke 'soniya -o mee
'la zan zru ba, 'bhe zan bo -Waanbhaa' 'yi, 'bheε-
-Waanbhaa' bo 'bhe zan 'ε 'yi.

¹⁷ -Koo' 'a 'yaango- 'kela ma 'bhii- -Waanbhaa'
a 'soniya 'ε 'lepale -o -koo' zru ba 'bhe -le -ge:
'kitikan yi 'ε 'le, -koo' zru ba nu kleε 'edoole,
-amasroyi -koo' 'taawogbeya 'ε 'drunyan 'yi -ge
'bhe 'pwele- -o 'ke Zesu Krisi a pe 'taawogbeya 'ε
'le.

¹⁸ 'Kee- neεne- mu -za so 'e ni 'yaa -gblaan. 'Ke
'soniya -zeze 'gbu -o yre 'la □noo -gblaan 'laa kle
'bhe yre 'ε □noo. Mee gbalaan -za 'yoo- 'krowoza
'ε 'bheε- -leε. -Ayile 'ke -gbalaan -o mee 'la zan zru
ba, 'soniya -zeze 'gbu 'laa -o 'bhe zan 'ε zru ba.

¹⁹ 'Ke -yoo 'o moo a pe 'le, 'o moo 'gbu -za -swa
-Waanbhaa' ni 'elwale 'pe, 'bhela- -yile 'o neεne-
mu 'pegee 'yee- -Waanbhaa' -za so 'o ni.

²⁰ 'Ke mee 'la zan 'a □pia doo: «-Waanbhaa' -za
so 'η ni». 'Bheε- 'ke -a neεne- 'ε 'bhe vensi -a yin

'lii, 'bhe zan -o 'ke bhlanii- 'le. -Amasroyi wlan 'gbu 'e ni, 'yee nεεnε- 'la ye, 'ke 'bhe -za 'laa so 'e ni; -Waanbhaa' 'la 'yaa 'bhe ye, 'ya zrɔn -mela ma 'bhii- 'bhe -za so 'e ni εε?

²¹ 'Bhεε- Zesu Krisi 'tonj 'lεε- 'bhεε- □twa -koo' ni dɔɔ: 'ke mεε 'la zan 'a □pia dɔɔ -Waanbhaa' -za so -a ni, 'bhe zan nεεnε- -za 'so 'bhe 'gbu ni 'ezin-.

5

-Koo' 'sengwa- 'drunyan 'le -kooa' 'kpaleya -la ma

¹ 'Ke mεε 'oo mεε 'la zan 'e □kpa a -a -yi 'bhii- *Zesu -o 'ke *Krisi 'le, -Waanbhaa' 'bhe zan kle 'ke -a -nε 'le. 'Bhεε- 'ke -nε mu 'ε dε 'ε -za so mεε 'la zan ni, 'woo- -nε mu 'ε -za so 'bhe zan 'ε ni 'ezin-.

² -Koo' 'a 'yaango- pε 'la ma 'bhii- -Waanbhaa' -nε mu 'ε -za so -koo' ni, 'bhe -le -gε: -Waanbhaa' -za so -koo' ni, 'bhεε- -koo' -yaa' 'tonj mu 'ε 'yizakle.

³ Wlan 'ε ni, 'ke -Waanbhaa' -za so mεε 'la zan ni, 'bhe zan -yaa' 'tonj mu 'ε 'klosikun; 'bhεε- -yaa' 'tonj mu 'ε waa -o -koo' ta 'bhii- 'kwe kpɪnle do gbεen-.

⁴ -Amasroyi, -Waanbhaa' -nε 'tole- -Waanbhaa' -nε so 'sengole 'drunyan 'le. -Kooa' 'kpaleya 'ε Zesu 'yi 'bhela- 'sengwa- 'ke 'drunyan 'le.

⁵ 'Bhe 'yi, -dela 'senj so wole- 'drunyan 'le, 'ke yaa 'e go mεε 'la zan 'e □kpa a -a -yi 'bhii- Zesu -o 'ke *-Waanbhaa' Gbe 'le 'bhe ba.

-Waanbhaa' Zesu Krisi 'sreya- □kla

⁶ 'Yee- Zesu Krisi -le -nwa 'drunyan 'ε 'yi, 'ke -yi 'pegee yiεn 'le. Yaa nule -yi do -kplεn 'le, 'duŋ- -e □nwa 'ezin- 'ke yiεn 'le. 'Bhε ya 'ε 'yi, Lii 'Wεŋ 'ε 'bhε -le 'bhε -za mu 'ε 'srεya- klε, -amasrɔyi 'yee- Lii 'Wεŋ 'ε -yoo wlan 'le. *

⁷ Wlan 'ε ni, Zesu -o 'ke -Waanbhaa' Gbe 'la 'le bhe 'bhε -za 'ε 'srε -o yaga.

⁸ 'Mu 'srε yaga 'ε 'mu -le Lii 'Wεŋ 'ε, 'bhε 'pegee -yi, 'bhεε- -a yiεn. 'Woo- 'srε yaga 'la bhe -o 'kpale- -o do.

⁹ 'O dɔ bhaaplεŋ mu a 'srεya- klεle -la; 'duŋ- -Waanbhaa' a pε 'srεya- klεle 'ε 'bhε mabhɔ bhaaplεŋ mu a 'srεya- klεle 'ε ta. 'Yee- -Waanbhaa' 'gbu -le -a Gbe 'ε 'srεya- -kla.

¹⁰ Wlan 'ε ni, 'ke mεε 'la zan 'ε □kpa a -Waanbhaa' Gbe 'ε 'yi, -Waanbhaa' -jan 'la 'woa- -a Gbe 'ε ba zayi' bhe, 'bhε -jan 'ε -yoo 'bhε zan 'ε 'gbu 'yi. 'Duŋ- 'ke mεε 'la zan laa 'ε 'kpale- -Waanbhaa' 'yi, 'bhε zan -Waanbhaa' klε 'ke bhlanii- 'le. -Amasrɔyi, -Waanbhaa' -jan 'la □woa -a Gbe 'ε ba zayi', yaa 'kpale- 'bhε 'yi.

¹¹ 'Bhε 'srεya- klεle 'ε 'bhε -le -gε: 'yee -Waanbhaa' bole -yrε ma -si 'la -dan' 'laa -o 'bhε ma 'bhε□naa -kɔɔ' ni, 'bhεε- 'bhε -o -a Gbe 'ε 'yi.

¹² 'Ke mεε 'la zan 'pegee -a Gbe 'ε -woo 'kpaledomaya 'yi, bole -yrε ma -si 'la -dan' 'laa -o 'bhε ma -o 'bhε zan 'kɔɔ. 'Duŋ- 'ke mεε 'la zan 'pegee -a Gbe 'ε waa -o 'kpaledomaya 'yi, 'yee- -si

* **5:6 5.6** 'Yee- -jangaan' 'lεε- 'yi -o 'ebebele. Mεε 'ke mu pe dɔɔ -yi 'pegee yiεn 'mu -o -we 'zi 'ke Zesu gaza 'ε 'bhεε- 'le. -A ye Zaan 19.34. 'Bhεε- mεε -le -bhεεke' do pe 'ezin- dɔɔ 'yee- -jangaan' 'lεε- -yoo -we 'zi 'ke Zesu 'wiinfza 'pegee -Waanbhaa' a pεbhle 'ε 'mu -la -le.

'ε yaa -o 'bhε zan 'ε 'koo.

*-Waanbhaa' ba bole -yρε ma -si 'la -dan' 'laa -o
'bhε ma*

¹³ 'N 'lεtre 'lεε- □kpa'a 'ka ni, 'kooko- 'ka mu 'la 'ka 'kpale- -o -Waanbhaa' Gbe 'ε 'tɔ 'yi, 'kaa 'yaango- 'bhii- bole -yρε ma -si 'la -dan' 'laa -o 'bhε ma 'bhε -o 'ka 'koo.

¹⁴ 'Bhεε- 'o 'kpale- -o -a -yi 'o zru 'ε 'kpen 'le dɔɔ 'ke 'o pε 'oo pε 'la 'yεwoa- -Waanbhaa' ma 'ke 'bhε 'lεbεngole -o -a zru maza 'le, -ya 'trɔnkpa 'o ni, 'bhεε- -e 'waa 'seri 'ε 'lεkun-

¹⁵ 'Bhε 'yi 'tε, 'ke 'wa 'yaango- 'bhii- 'ke 'o pε 'la 'yεwoa- -a ma, -ya 'trɔnkpa 'o ni; 'wa 'yaango- 'ezin- 'bhii- 'o pε 'la 'yεwoa- -a ma, -e 'bhε □naa gban 'o ni.

¹⁶ -Za 'yɔɔ- 'la 'bhε 'laa -o 'ke mεε nipe 'le, 'bhε 'pegee 'ke 'bhε mεε plεngo -Waanbhaa' ma yikpensee ta, 'ke 'yee- nεεnε- do -ya 'ke -yoo 'bhε -za 'yɔɔ- 'ε klε 'zi, 'e 'seriwo -Waanbhaa' ni -yaa' -za ma. 'Bhεε- -Waanbhaa' nu -si 'nalε- mεε 'la zan mu laa -za 'yɔɔ- 'la klε mεε nipe 'le 'mu ni. 'Duŋ- -za 'yɔɔ- -glooŋ do -o ye, 'bhε -le 'ke mεε nipe 'le, 'bhεε- 'bhε mεε plεngo -Waanbhaa' ma. 'Naa -o -a pe 'zi 'ka ni dɔɔ 'ka 'ka 'seriwo 'ka nεεnε- -yaa' -za ma 'bhε -zayi'.

¹⁷ -Lεdɔɔkleya maza 'kpen -o 'ke -za 'yɔɔ- 'le. 'Duŋ- -za 'yɔɔ- 'ke mu laa -o mεε nipe 'le, 'ke 'mu mεε plεngo -Waanbhaa' ma yikpensee ta.

¹⁸ 'O mɔɔ 'a 'yaango- 'bhii- 'ke -Waanbhaa' mεε 'oo mεε 'la zan -kla 'ke -a -nε 'le, 'bhε zan laa -za 'yɔɔ- klε. -Waanbhaa' Gbe 'ε -ya -yρεkpa' 'bhε zan 'ε ba; 'bhεε- -Setran' 'gbu 'laa sɔ -za 'kedo- 'kpɔ klεle- 'bhε zan 'ε ni.

19 'O mɔɔ 'a 'yaango- 'bhii- 'woo 'ke -Waanbhaa' a pɛ mɛɛ mu 'le, 'bhɛɛ- -Setran' a fangan- 'kpaale- -o 'drunyan 'ɛ 'kpɛn 'wiinɔ-.

20 'Bhɛɛ- 'wa 'yaango- 'ezin- 'bhii- *-Waanbhaa' Gbe 'ɛ □nwa, 'bhɛɛ- -e yikan' □naa -kɔɔ' ni, 'kooko- -kɔɔ' 'yee- wlan ma -Waanbhaa' -zeze 'gbu 'ɛ dɔ. 'Bhɛ 'yi, -kɔɔ' 'pegee 'yee- wlan ma -Waanbhaa' -kɔɔ' -o 'kpaledomaya 'yi -a Gbe Zesu Krisi 'srɔyi. 'Bhɛɛ- -a Gbe 'ɛ 'bhɛ -le 'ke 'yee- wlan ma -Waanbhaa' 'gbu 'ɛ 'le, 'bhɛ 'pegee 'bhɛ -le bole -yrɛ ma -si 'la -dan 'laa -o 'bhɛ ma 'bhɛ 'le.

21 'N̄ 'nɛ mu, -ka 'ka 'yrɛkpa 'ka 'gbu ba 'elrele, 'bhɛɛ- 'ka 'ka 'plɛŋgo bhaaplɛŋ mu a bhla ma -waanbhaa' mu 'ɛ ma.

Mwan
The New Testament in the Mwan language of Côte
d'Ivoire

copyright © 2006 Wycliffe Bible Translators, Inc.

Language: Mwan

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

1220066e-ed9e-5c66-9c3b-435a6575b8da